



Bou ons kinders vir môre

Sondagskool 2

Lestitel: Die boodskap van die engel aan die herders

'n Ouerhandleiding

Sondagskooltuisonderrig



Liewe Ouer

Welkom by die les: “**Die boodskap van die engel aan die herders**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die boodskap van die engel aan die herders
Bybelwoord	Lukas 2: 8-20
Lesdoelwit	Die kinders is verheug oor die boodskap van die engel: "Vandag is die Heiland vir julle gebore."

Lesopsomming:

- In die nag toe Jesus gebore is, was daar herders wat hul kleinvee opgepas het in die veld.
- Skielik het daar 'n engel verskyn en 'n helder lig het rondom hulle geskyn.
- Die herders het geskrik en van vrees gebewe.
- Die engel het gerusstellend met hulle gepraat: "Moenie vrees nie, want kyk, ek bring vir julle 'n goeie tyding van groot blydschap wat vir die hele volk sal wees, dat vandag in die stad van Dawid gebore is die Saligmaker wat Christus, die Here, is. En dit is vir julle die teken: julle sal 'n Kindjie vind wat in doeke toegedraai is en wat in die krip lê."
- Net toe die engel klaar gepraat het, is die hemele skielik verlig en gevul met 'n menigte engele wat sing: "Eer aan God in die hoogste hemele en vrede op aarde, in die mense 'n welbehae!." Toe was dit weer donker.
- Die herders het uitgegaan om die heilige Kind te soek en Hom in 'n stal gevind.
- Hulle het vir Maria en Josef vertel wat die engel vir hulle gesê het.
- Almal wat van die herders se ervaring gehoor het, was verbaas.
- Maria het al hierdie dinge onthou en diep daaroor besin.
- Die herders het teruggegaan na die veld en lofliedere tot eer van die Here gesing vir die besoek deur die engel en omdat hulle die Kind gesien het soos die engel hulle vertel het.

Wat beteken hierdie les vandag vir ons?

- Die herders was verheug oor die geboorte van die Verlosser, Jesus Christus, en het almal van hul ervaring vertel.
- Vandag is ons steeds verheug oor die geboorte van Jesus Christus, want deur Hom word ons gered en ontvang ons die ewige lewe by God.



- Ons vier die geboorte van Jesus op Kersdag. Onthou altyd dat ons eerste geskenk vir Kersfees vanaf God was. Jesus Christus sal altyd ons grootste geskenk wees, deur Hom het ons die gawe van die ewige lewe ontvang en ons is bly daaroor.

Sommige vrae wat ons kan vra:

1. Wie het aan die herders verskyn?

Antwoord: 'n Engel van God

2. Watter boodskap het die engel vir hulle gebring?

Antwoord: Die engel het aan hulle die goeie nuus vertel dat 'n Verlosser, Jesus Christus, gebore is

3. Wat was die teken vir die herders om die baba Jesus te herken?

Antwoord: Die baba sal in doeke toegedraai wees en in 'n krip lê

4. Waarom het die herders vir almal vertel wat gebeur het?

Antwoord: Hulle was verheug oor die geboorte van die Verlosser, Jesus Christus, en wou die goeie nuus en hul ervaring met almal deel.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders, Mag ons u teenwoordigheid aanvoel

Seën die les wat ons gaan lê, Leer ons hoe om U te dien, En help ons om u wil te doen

Sodat ons nader aan U kan groei, Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie., Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.